



- SOROTAN MESYUARAT JAWATANKUASA PENYELARAS MyGDI KEBANGSAAN (JPMK) KE-13 Halaman 1
- PENYERTAAN ARTIKEL GEOSPATIAL DALAM BULETIN GEOSPATIAL SEKTOR AWAM (BGSA) EDISI 2023 Halaman 2

SOROTAN MESYUARAT JAWATANKUASA PENYELARAS MyGDI KEBANGSAAN (JPMK) KE-13

Bagi menjayakan pelaksanaan Program Infrastruktur Data Geospasial Negara (MyGDI), Jawatankuasa Penyelaras MyGDI Kebangsaan (JPMK) telah ditubuhkan sebagai pembuat dasar dan keputusan berkaitannya. Di bawah JPMK, terdapat empat (4) jawatankuasa teknikal iaitu Jawatankuasa Teknikal Framework MyGDI (JTFM), Jawatankuasa Teknikal Standard MyGDI (JTSM), Jawatankuasa Teknikal Clearinghouse MyGDI (JTCM) dan Jawatankuasa Teknikal Marin MyGDI (JTMM). Sebagai pelengkap kepada jawatankuasa ini di peringkat negeri, dua (2) lagi jawatankuasa iaitu Jawatankuasa Penyelarasan MyGDI Negeri (JPMN) dan Jawatankuasa Teknikal MyGDI Negeri (JTMN) turut bernaung di bawah JPMK.

Mesyuarat JPMK Ke-13 telah dipengerusikan oleh YBhg. Dato' Haji Rosli bin Isa, Ketua Setiausaha, Kementerian Sumber Asli, Alam Sekitar dan Perubahan Iklim (NRECC) pada 7 April 2023 jam 9.30 pagi bertempat di Bilik Mesyuarat Mutiara, Aras 13, Wisma Sumber Asli, NRECC, Putrajaya. Timbalan Pengerusi JPMK adalah Ketua Pengarah Ukur dan Pemetaan Malaysia, Jabatan Ukur dan Pemetaan Malaysia (JUPEM) manakala Pusat Geospasial Negara (PGN), NRECC sebagai penyelaras Program MyGDI merangkap sekretariat mesyuarat ini.

JPMK Ke-13 telah berjaya membincangkan perkara-perkara berkaitan laporan kemajuan pelaksanaan Program MyGDI, aktiviti perkongsian maklumat geospasial serta penambahbaikan pekeliling-pekeliling dan prosedur operasi standard (SOP) MyGDI. Terima kasih yang tidak terhingga kepada semua agensi dan jabatan yang telah terlibat menyokong dan menjayakan Program MyGDI selama ini.



PENYERTAAN ARTIKEL GEOSPATIAL DALAM BULETIN GEOSPATIAL SEKTOR AWAM (BGSA) EDISI 2023

PGN, NRECC selaku penyelaras Program MyGDI berperanan untuk mempromosi perkongsian dan pelepasan data geospasial dalam kalangan agensi kerajaan (G2G) dan institusi pendidikan (G2E) bagi tujuan kajian, analisis, perancangan, pengurusan dan pembangunan negara. PGN, NRECC juga turut menerbitkan Buletin Geospasial Sektor Awam (BGSA) pada setiap tahun sebagai salah satu medium promosi Program MyGDI. Sekiranya anda adalah pemain industri di sektor awam atau swasta serta berbakat dalam penulisan berkaitan geospasial, serlahkan bakat dan kreativiti penulisan anda untuk penerbitan artikel dalam buletin ini.

Karya yang terpilih akan menerima hadiah wang tunai **RM150.00** sebagai penghargaan!



DIBUKA SEHINGGA 30 SEPTEMBER 2023

Diterbitkan oleh:

PUSAT GEOSPATIAL NEGARA
 KEMENTERIAN SUMBER ASLI, ALAM SEKITAR DAN PERUBAHAN IKLIM
 ARAS 7 & 8, WISMA SUMBER ASLI
 NO. 25, PERSIARAN PERDANA, PRESINT 4
 PUSAT PENTADBIRAN KERAJAAN PERSEKUTUAN
 TEL: 03-8886 1156
 FAKS: 03-8889 4851



KEMENTERIAN SUMBER ASLI,
 ALAM SEKITAR DAN PERUBAHAN IKLIM